

四庫全書

史部

欽定四庫全書

史部

浙江通志卷九十一

詳校官給事中臣戴璐

檢討臣德生覆勘

總校官編修臣倉聖脉

校對官中書臣袁文邵

謄錄監生臣李傳燮

欽定四庫全書

浙江通志卷九十

兵制一

古者寓兵於農自管子作內政而兵與民分要所以衛民則一也迨漢之屯田唐之府兵明之設衛制皆近古而法久備弛我

朝禁旅雲屯戍卒碁布兩浙扼山海之要制置尤詳蓋未嘗一日無備斯可百年不用矣志兵制

周禮夏官凡制軍萬有二千五百人為軍軍將皆命卿二千有五百人為師師帥皆中大夫五百人為旅旅帥皆下大夫百人為卒卒長皆上士二十五人為兩兩司馬皆中士五人為伍伍皆有長

周禮夏官中春教振旅中夏教茷舍中秋教治兵中冬教大閱

左傳申公巫臣請使於吳吳子壽夢說之乃通吳於晉以兩之一卒適吳舍偏兩之一馬與其射御教

吳乘車教之戰陳

謹按兩浙兼吳越故地吳兵乘車戰陳之制自坐臣始

史記越世家吳王北會諸侯於黃池

索隱在哀公十三年吳國

精兵從王惟獨老弱與太子留守句踐乃發習流二千教士四萬人君子六千人諸御千人伐吳

漢書刑法志高祖踵秦置材官於郡國至武帝平百

粵內增七校外有樓船皆歲時講肄修武備云

文獻

通考易氏曰以漢史考之大抵巴蜀三河潁川諸處止有材官上郡北地隴西諸處止有車騎廬江

潯陽會稽諸處正有樓船三者之兵雖各隨其地之所宜而郡國之兵其制則一

王海漢高祖用閩越兵孝景用東甌兵武帝用會稽兵皆水軍步騎未嘗募之西北也

後漢書世祖紀建武七年三月詔曰今國有衆軍並

多精勇宜且罷輕車騎士材官樓船士及軍假吏

令復還民伍

漢官儀平地用車騎山阻用材官水泉用樓船軍假吏謂軍中權置吏也

今悉罷之

三國吳志朱桓傳還盜寇校尉授兵三千使部伍吳

會二郡鳩合遺散期年之間得萬餘人

三國吳志陸遜傳時會稽丹陽多有伏匿會稽大帥
潘臨所在毒害歷年不禽遜以手下召兵討治深
險所向皆服部曲已有二千餘人遜建議曰山寇
舊惡依憑深地腹心未平難以圖遠可大部伍取
其精銳權納其策以為帳下右都督遂部伍東三
郡强者為兵羸者補戶得精卒數萬人

三國吳志全琮傳權以為奮威校尉授兵數千人使

討三越因開募召得精兵萬餘人

三國吳志太平二年科兵子弟年十八以上十五以下得三千餘人選大官子弟年少有勇力者為之將帥

文獻通考晉元帝南渡有大將軍都督四鎮四征四平之號然調兵不出三吳大發無過三萬

隋書文帝紀開皇九年陳國平詔曰往以吳越之野干戈方用積習未寧今率土大同含生遂性太平

之法方可流行戎旅軍器皆宜停罷武力之子俱可學文

唐書兵志府兵之制起自西魏後周而備於隋府有郎將副郎將坊主團主以相統治又有驃騎車騎二府皆有將軍後更驃騎曰鷹揚郎將車騎曰副郎將別置折衝果毅

資治通鑑貞觀十年更命統軍為折衝都尉別將為果毅都尉凡十道置府六百三十四凡上府兵千

二百人中府千人下府八百人三百人為團團有校尉五十人為隊隊有正十人為火火有長每人兵甲糧裝各有數皆自備輸之庫有征行則給之年二十為兵六十而免其能騎射者為越騎其餘

為步兵

玉海淮南道揚州有府四江南道越州有府一大學衍義補府兵之法人具弓一矢

三十刀一其介冑戎具皆藏於庫有所征行則給之番上宿衛者給弓矢橫刀而已

舊唐書職官志諸府折衝都尉一人左右果毅都尉各一人別將一人長史一人兵曹參軍一人錄事

一人校尉五人每校尉旅帥二人每旅帥隊正副
隊正各二人凡兵馬在府每歲季冬折衝都尉率
五校之屬以教其軍陣戰鬥之法

唐書方鎮表建中二年合浙江東西置節度使尋賜
號鎮海軍文德元年置忠國軍治湖州景福元年
賜杭州防禦使號武勝軍中和三年升浙江東道
觀察使為義勝軍節度使光啟三年改為威勝軍
乾寧元年改為鎮東軍

舊唐書韓滉傳大歷十二年拜蘇州刺史浙江東西

都團練觀察使尋加鎮海軍節度使訓練士卒鍛

礪戈甲稱為精勁

柳氏家學錄滉之於兩浙置子弟軍大州一千小州八百强者

習弓弩弱者習排槍緩則修農急則為兵

吳越備史廣明元年冬十一月杭州始建八都

杭州建八都餘杭陳晟於潛吳文舉鹽官徐及新城杜稜唐山饒景富陽文禹龍泉凌文舉各聚四

千人以衛鄉里臨安則為董昌錢鏐副馬景福元年七月鏐率十三都兵八都外有紫溪保城龍通

三泉三鎮是為十三都泊役徒二十餘萬衆新築羅城

舊唐書昭宗紀龍紀元年七月詔杭州置武威軍景
福二年九月以武威軍防禦使錢鏐為鎮海軍節
度使

五代史吳越世家光化元年移鎮海軍於杭州改鏐
素所居營曰衣錦營天祐四年升衣錦城為安國
衣錦軍

十國春秋梁乾化元年吳越築城屯戍於德清之憾
山號曰奉國城又遣兵戍烏程之東九十里曰烏

成八年置都水營使以主水募卒為都號曰撩淺
軍亦謂之撩清命於太湖旁置撩淺卒四部凡七
八千人

十國春秋文穆王晉天福三年十二月大閱馬步軍
泊艫艫於碧波亭

十國春秋忠懿王周顯德三年命從兄知中吳軍節
度事文奉為水陸應援諸軍都統使屯於本州備
徵發

十國春秋建隆元年宋授王天下兵馬大元帥乾德
元年大閱戰艦於西湖太平興國二年五月王下
令文軌大同封疆無患凡禦敵之制悉除之境內
諸城有白露屋及防城物亦令撤去三年朝見帝
於崇德殿遂上表願以所部十三州一軍八十六
縣戶五十五萬六百八十兵一十一萬五千二十
六獻

宋史兵志宋之兵制大槩有三天子之衛兵以守京

師備征戍曰禁軍諸州之鎮兵以分給役使曰廂
軍選於戶籍或應募使之團結訓練以為在所防
守則曰鄉兵

宋史兵志禁軍建隆以來之制神射

兩浙州兵舊號腰弩雍熙四年

改今名淳化元年部送闕下選其強者為廣武次等復為本軍鞭箭

雍熙三年選兩浙兵為鞭

箭次等者為忠節鞭箭

清塞

宋初選本軍子弟補其缺太平興國三年

又得泉州兩虎翼

大中祥符六年選江淮習水卒於金明池按試戰棹五為虎翼

軍江浙淮南諸州亦准此順聖

太平興國中郎送兩浙兵歸京師立

選置七年改為虎翼水軍

威武

太平興國四年征太原立分左右廂以江
南歸化兵補左廂兩浙順化兵補右廂

平

寨弩手

本兩浙順化軍揀其強壯立為弩手又以
江浙逋負官物隸窯務徒役者為揀中平

寨順化

太平興國三年以兩
浙兵之次等者立

宣毅

慶歷中京東京
西河北河東淮

南江南兩浙荆湖福建九路募健勇或選廂軍為
之指揮二百八十八兩浙路杭二越蘇明湖婺潤

溫衢常秀
處各一

熙寧以後之制宣毅

一百七十四隸京
東京西河北河東

淮南江南兩浙荆湖福建九路兩浙路杭二越蘇
潤各一皆改威果湖婺溫衢常處秀各一不充額

威果

二十五荆南江寧杭揚盧潭各三洪越
福各二處一宣和三年嚴州增置一

敢勇

宣和四年詔越州招敢勇三百
人撥充兩浙提刑司捉殺差使

宋史兵志廂兵建隆以來之制崇節

兩浙路杭越蘇湖溫台衢婺處

睦秀採斫處衢溫

捍江都

杭

船務

杭婺

本城

秀

江橋院

明

碇手

明

山塲斫軍

溫婺

本城剩員

諸州並有

舊水軍

兩浙

樓店務

杭

清務

溫

熙寧以後之制

兩浙路步軍

之額自捍江而下三並改號曰崇節凡五十一指

揮一萬九千人水軍

諸州

船坊

明

船務

杭婺

採造

明

樓店務

杭

江橋院

明

堰軍

張安

清務

杭

婺

捍江

杭

本城

秀

玉海開寶七年十一月泰寧軍節度使李從善部浙中及江南水軍凡千三十九人並籍為王師以歸聖歸化為軍額

宋史兵志元符元年詔江湖淮浙六路合造神臂弓三千箭三十萬淳熙九年衢州守臣製到木鶴嘴弩二千箭十萬

宋史兵志凡戍更有程兩浙路三年治平九年以三千人散戍東南杭揚江寧諸州以備盜賊

文獻通考元豐二年詔處州槍仗手五百三十六人
為定額每歲農隙按閱武藝以備奸盜

宋史神宗紀元豐四年二月分東南團結諸軍為十

三將

王淮海東一淮西二浙西三浙東四江東五江西湖北湖南全邵福建廣東廣西邕州自

六至十三東南兵三千以下惟置單將

宋史兵志大觀元年十一月兩浙東西路各增置禁

軍宣和三年五月江浙淮南等路宣撫使童貫奏

勘會江南東路兩浙東西路各有東南一將平日

未嘗訓練武藝昨睦寇初發遣令上項將兵捕賊
遂致敗衄今睦賊討平之後非增戍兵鎮遏無以
潛消寇暴臣今擬留戍兵二萬五千七十八人分
置江南東路兩浙東西路州軍防把一年滿替出
軍一次依平蠻故事每月別給錢三百歲給鞋錢
一千其兵並隸本路安撫司統轄訓練詔從之是
年權知婺州楊應誠奏凡屯戍將兵須隸守臣使
兵民之任歸一則號令不二然後可以立事詔從

之五年制置所奏江浙增屯戍兵相度節鎮增添
兩指揮處餘州各一指揮各不隸將內兩指揮處
將一指揮以威果為名一指揮以全捷為名餘州
並以威果為名從之詔兩浙盜賊寧息其越州置
捕盜指揮可均填江東淮東三路州軍缺額七年
詔京東西淮南兩浙帥司精選諸軍驍銳發赴京
畿輔郡兵馬制置司

宋史高宗紀建炎元年九月命淮浙沿海諸軍增修

城壁招訓民兵以備海盜二年七月選江浙州軍
正兵上兵六之一赴行在四年七月詔江浙州縣
諭豪右募民兵據險立柵防遏外寇紹興四年十
二月詔江浙荆湖十四郡各募水軍五百人名橫
江軍兩浙十郡沿江海州縣招捕巡檢土軍五年
十二月汰橫江水軍三之一三十一年五月選兩
浙諸州禁軍弓弩手之半部送樞密院按試

文獻通考建炎元年右僕射李綱言當於沿河沿海

沿江帥府置水兵二軍要郡別置水兵一軍次要
郡別置中軍招集善波操舟便利之人擬立軍號
曰凌波樓船軍從之

宋史兵志建炎後禁廂兵威果

安吉嘉興杭嚴紹興
慶元溫台婺處衢

全捷

中興立杭婺安
吉紹興慶元

雄節

杭安吉嘉興嚴溫
紹興慶元台婺處

武衛

紹興
溫婺

威捷

杭溫紹
興婺

雄捷

中興立
紹興

威勝

中興立
慶元

雄畧

中興
立衢

建炎後廂兵捍江

杭

崇節

中興立杭安吉嚴
溫慶元台婺江東

西修江

中興立杭

橫江

中興立杭

寧節

中興立台

清務

中興立婺

山塲

中興立 婺都作院 中興立 杭小作 中興立 杭清湖閘 中興立 杭開河司

中興立 杭北城堰 中興立 杭西湖廣濟 中興立 杭樓店務 中興立 杭長

安堰閘 中興立 杭壯城 帥府望 鼓角匠船務 中興立 杭建炎

後鄉兵巡社 建炎元年詔諸路州軍巡社並以忠義巡社為名隸宣撫司後募鄉民為

之每十人為一甲有甲長有隊長四隊為一部有部長五部為一社有社長五社為一都有都正於

鄉井便處駐劄 紹興初罷之 建炎砦兵兩浙西路臨安府十三

砦 外沙海內管界茶槽南蕩東梓上 安吉州七砦

管界安吉秀塞呂小 常山五砦 管界小河馬 嚴州

五砦

威平港口鳳林茶山管界

兩浙東路慶元府十砦

浙東鮎埼三姑

管界大嵩海內白峰岱山鳴雀公塘

温州十三砦

城下管界館頭青輿梅與鹿西浦門

南監東北三尖北監小鹿大刑

台州六砦

管界亭場吳都白塔松門臨門

處州二

砦

管界梓亭

建炎以來朝野雜記平江許浦水軍本明州定海水

軍也舊隸沿海制置司乾道中改隸殿前司以三

千人為額五年冬又改為御前水軍八年春併歸

許浦鎮其後殿司又有澈浦水軍

王海紹興三年正月詔御前忠銳第七將徐文以所部屯定海縣聽沿海制置司節制

宋史兵志馬政紹興四年置監臨安之餘杭及南蕩王海乾道五年正月詔浙東弓弩手名御前忠銳軍置正副准備將八年二月置忠武軍選二浙土兵弓手為之八月詔二浙揀中廂軍名曰御前忠勇軍九年四月密院言忠武軍藝已精歸之州縣

元史世祖紀至元十三年二月行中書省承制以臨

安為兩浙大都督府都督蒙古岱范文虎入城視
事巴延悉罷宋官府散免侍衛禁軍六月罷兩浙
大都督府立行尚書省於臨安設諸路宣慰司

元史兵志至元十六年二月命萬戶富珠哩敬領其
麾下舊有士卒守湖州七月命實喇特穆爾以戍
杭州軍六百九十人赴京師十八年十一月詔以
征東留後軍分鎮慶元上海澈浦三處上船海口
二十二年正月立行樞密院於江南三省其各處

行省見管軍馬悉以付馬十二月江浙省募鹽徒
為軍得四千七百六十六人選軍官麾下無士卒
者相叅統之以備各處鎮守

元史世祖紀至元二十二年二月詔改江淮江西元
帥招討司為上中下三萬戶府中萬戶杭州下萬

戶湖州處州設達魯噶齊萬戶副萬戶各一人以

隸所在行院

舊浙江通志元設嘉興路總管軍萬戶府建兩翼有千百戶鎮撫官後改

鎮守衢州府設立
鎮守保甲萬戶府

萬厯金華府志元置浙東道宣慰使司設宣慰使等
官至元二十九年分紹興路開縣翼萬戶來鎮以
為之屬大德六年宣慰使加都元帥府冬十月移
治慶元鎮過海道皇慶元年復調開縣翼亦往駐
馬乃以慶元路沿海翼上萬戶府來鎮設達魯噶
齊萬戶各一員副萬戶一員領千戶翼一十九
內七
翼分鎮處州其每千戶翼設達魯噶齊千戶副千
在婺者十有二
戶各一員又彈壓一員鎮撫一員各統百戶有差

其各縣鎮守千戶所凡七

一在蘭溪州一在義烏縣一在永康縣一在武

義縣一在浦江縣一在東陽縣東鎮守百戶凡二

南隅一在東陽縣東七十里玉山

一在永康縣東黃碧村

一在永康縣東北靈山

元史兵志大德二年三月詔各省合併鎮守軍江浙

所置者合為二百二十七所五年三月詔河南省

占役江浙省軍一萬一千四百七十二名除洪澤

芍坡屯田外餘令發還元翼八年二月以江南海

口軍少調蘄縣王萬戶翼漢軍一百人寧萬戶翼

漢軍一百人新附軍二百人守慶元自納延拉濟
蒙古軍三百人守定海

況達文浙東道宣慰司題名記浙東宣慰使司大德
六年中書奏陞為都元帥府七郡兵民之政悉隸
總裁

元史兵志諸路府所轄州縣設縣尉司巡檢司捕盜
司皆為立巡軍弓手職巡邏專捕獲官有綱運及
流徙者至則執兵仗導送以轉相授受外則不敢

役示專其責焉

續文獻通考洪武元年以太史令劉基奏立軍衛法
乃自京師達於郡縣皆立軍衛大率以五千六百
人為衛一千一百二十八人為一千戶所一百一
十二人為一百戶所設總旗二名小旗十名管領
鈐束通以指揮使等官領之大小相維以成隊伍
撫綏操練務在得宜有事征伐則詔總兵官佩將
印領之既旋則上所佩印於朝廷軍士則各歸其

衛而大將軍單身還第其權皆出自朝廷不敢有所擅調

明實錄洪武三年十一月曹國公李文忠奏置浙江七衛曰錢塘曰海寧曰杭州曰嚴州曰德清曰金華及衢州守禦千戶所計兵五萬二千五百一十

三人從之後改嚴州金華二衛為守禦千戶所

嘉靖

浙江通志洪武三年建杭州衛都指揮使司八年改浙江都指揮使司領衛一十有六曰杭州前曰杭州右曰紹興曰寧波曰台州曰處州曰温州曰海寧曰昌國曰松門曰臨山曰金鄉曰海門曰定海

曰磐石曰觀海凡衛皆設經歷司鎮撫司左右中前後千戶所其所之直隸都司者六曰海寧守禦千戶所曰嘉興守禦千戶所曰湖州守禦千戶所曰嚴州守禦千戶所曰金華守禦千戶所曰衢州守禦千戶所各衛附各府縣

明泳化類編洪武十六年令天下衛所選善射者十之一於農隙月輪班赴京較試不中者指揮千百戶有罰

明實錄洪武十七年九月置昌國衛於寧波之象山縣十九年十月置澈浦乍浦二守禦千戶所隸浙

江都指揮使司十一月置觀海衛都指揮使司於

寧波之慈溪縣

舊浙江通志明設衛所在寧波者四為寧波定海觀海昌國每一指

揮轄五千戶所每一千戶轄十百戶衛有指揮使指揮同知指揮僉事鎮撫所有正千戶副千戶鎮

撫百戶寧波衛轄五所額軍五千六百名定海衛指揮使轄五所外轄霽霽大嵩及中中左四所

洪武三十年信國公湯和徙昌國於象山存中中左二所隸定海衛二所共轄二百戶觀海衛

指揮使司宋於瀕海置向頭鳴霍兩水軍寨洪武二十年湯和度兩寨間築城置衛調軍戍守為中

左右前後五所外轄龍山千戶所

明實錄洪武二十年二月置寧村千戶所於溫州永

嘉縣海安沙園二千戶所於瑞安縣蒲門壯士二
千戶所於平陽縣隸金鄉衛蒲岐楚門隘頑三千
戶所於樂清縣隸磐石衛六月置松門衛指揮使
司於台州黃巖縣以楚門隘頑二千戶所隸之九
月築台州跳健桃渚土城各置千戶所以防倭

舊浙

江通志明置温州衛所以統軍海安所操軍一千
名瑞安所操軍一千名平陽所操軍一千名寧村
所操軍一千名壯士所蒲門所共一城操軍各一
千名沙園所操軍一千名各衛所俱有戰船多寡
不等台州衛指揮使二員同知七員僉事十六員
轄左右中前後五千戶所又水軍千戶所海門衛

指揮使四員同知二員僉事八員轄左右中前後
五千戶所附轄跳健千戶所操軍一千名新河千
戶所旗軍八百六十三名桃渚千戶所操軍一千
名松門衛指揮使四員同知三員僉事七員旗軍
二十二十五名轄左右中前後五千戶所後所旗
軍五百六十七名楚門千戶所旗軍五百六十七
名寧誌備考洪武二十年改海寧衛為海寧所正
千戶三員副千戶五員鎮撫一員百戶九員多餘
一員原額旗軍一
千三百五十一名

明會典洪武二十六年定凡天下要衝去處設立巡

檢司僉點弓兵應役

明實錄洪武二十七年九月浙江定海衛奏所屬霽

霍等千戶所皆瀕海地方陸路一百二十里水路則風濤險遠遇警急卒難應援請於穿山築城置千戶所分調官軍守禦從之三十年十二月置爵溪千戶所屬昌國衛

明泳化類編洪武三十五年令沿海衛所旗軍仍照舊例屯守近裏衛所旗軍各照原定三七二八或一九四六中半下屯若係全衛下屯者依舊全屯仍委指揮一員或千戶一員專一提督屯糧每年

終將上倉及給軍用過子粒數目着原委指揮及千戶親齎赴京比較永樂五年設浙江按察司僉事一員盤量屯田

明法傳錄永樂十四年十二月遣將練兵海上防倭明從信錄永樂二十二年八月仁宗即位諭戶部令天下衛所凡屯田軍士自今不許擅差妨其農務

舊浙江通志杭州前衛屯種旗軍餘舍三千二百五十四名杭州右衛屯種旗軍餘舍三千九百四十九名海寧衛屯九處旗軍九百六名澈浦屯旗一百一十三名乍浦屯二處旗軍二百二十四名

嘉興所屯旗軍八百名湖州守禦千戶所屯軍一百五十三名寧波衛屯軍一百名台州衛屯軍二千七十九名海門衛屯軍六百八十三名衢州守禦千戶所原額一千一百二十人後充伍者僅二百八十七人所轄九屯係西安縣民人帶種嚴州屯所在桐廬縣凡六處原撥旗軍餘舍民人二千八百七十六人後桐廬縣民人帶種溫州衛屯軍二千七百一十七名金鄉衛屯軍六百八十四名處州衛原額旗軍五千六百名在運旗軍二百七十三名

明實錄宣德元年正月遣行在吏部侍郎黃宗載等
清理浙江軍務

明從信錄正統十四年九月令各處招募民壯就命

本地官司率領操練遇警調用

明泳化類編景泰二年奏准通行天下衛所每一季
成造盔甲鎗弓刀各四十件圓牌二十面弦八十
條箭一千二百枝撒袋四十副銃箭五百枝每千
戶所一季成造盔甲鎗弓刀各十件圓牌五面弦
二十條箭三百枝撒袋十副銃箭一百枝永為定
例

明會典天順元年令招募民壯鞍馬器械悉從官給

本戶有糧與免五石仍免戶下二丁以資供給如有事故不許勾丁

續文獻通考弘治元年令都司衛所除軍政守城管操管運外餘分兩班輪操五年一代周而復始

明泳化類編弘治間令州縣選民壯年二十以上五十以下精壯之人州縣七八百里者每里僉二名五百里者每里僉三名三百里者每里四名一百里以上者每里五名春夏秋每月操二次至冬操

三歌三遇警調集官給行糧

明法傳錄嘉靖八年六月温州有海賊之警有逃軍

之變科臣夏言請設都御史巡視浙江從之

明泳化類

編磐石衛屬浙江温州府地瀕海且饒魚鹽生理
豐裕時屬承平士卒多逃役者嘉靖乙丑秋知府
丁瓚等議於逃軍名下扣支月糧貯庫軍士遂恚
憤不自戢糾黨四百餘人披甲持刀擁入管頭地
方執主簿吳永真軍中時通判粟廷用踰牆走賊
遣人要曰還我扣支月糧方肯退兵瓚不得已隨
取官銀三千餘兩給之諸叛卒擁兵如故先是蒲
岐千戶所報是年四月內有賊船三百餘人上岸
擄掠人財放火燒屋又有賊船十四隻約五百餘
人登岸殺擄男婦燒燬房屋鹽廠巡按御史張問

行以其事聞遂劾奏海道副使傅鏰指揮胡璉曹
鸞等至是磐石又叛御史王化以聞時給事中夏
言上疏云磐石之變在法尤為難容有司因其逃
役扣除月糧事必有據何至擁衆稱兵縛官執吏
敢負國家素養之恩自蹈叛逆之罪今又加以海
賊犯我邊防及今不重加處置誠恐將來有不可
收拾之患乞查照先年事例添設巡視浙江都御
史一員奉勅前去假以督軍重權兼制鄰境將磐
石衛叛軍事情務要體勘明白將主首倡亂之人
亟加顯戮以正憲典仍令設法勦除海寇一應地
方興革重務付之整理遂命吏部推
舉大臣具文武材畧者往彼巡撫

明實錄嘉靖二十六年六月巡按御史楊九澤言浙
江寧紹溫台皆枕山濱海連延福建興泉漳諸郡

時有倭患沿海雖設有衛所城池控制要害及巡海副使備倭都司督兵捍禦但海寇出沒無常兩省官僚不相統攝制禦之法終難畫一往歲從言官請特命重臣巡視數年安堵近因廢格寇復滋蔓抑且浙之處州與福之建寧連歲礦賊流毒每徵兵追捕二府互委事與海寇畧同臣謂巡視重臣亟宜復設然雖轄福建浙江兼制廣東潮州專駐泉州南可防禦廣東北可控制浙江庶威令易

行事權歸一事下兵部集諸司會議覆如其言第
廣潮二府仍隸兩廣提督有事則協心議處上曰
浙江天下首省又當倭夷入貢之路如議設巡撫
兼轄福建福興泉漳等處提督軍務著為令三十
一年七月改巡撫山東都察院右僉都御史王忬
提督軍務巡視浙江兼管福興漳泉地方仍勅許
便宜調發兵糧臨陣按軍法從事巡按御史毋得
干預阻撓賊中脅從願降不得一槩渾殺濫及無

宰於是兼設分府叅將各一員以瓊崖叅將署都指揮僉事俞大猷督留守司管操指揮僉事湯克寬為之大猷溫台寧紹等處克寬福興漳泉等處俱聽忬節制

明會典國初兵事專任武臣後常以文臣監督文臣重者曰總督次曰巡撫總督舊稱軍門而巡撫近皆贊理軍務或提督其按察司整飭兵備者或副使或僉事或以他官兼副使僉事沿海者稱海防

道兼分巡者稱分巡道兼管糧者稱兵糧道

明實錄嘉

靖三十二年八月增設浙西杭嘉湖叅將一員分守其地復於三府增兵備副使一員三十九年二月更定浙東守巡官信地以台金嚴為一道文臣則以分巡寧波僉事改為台州分巡兼管三府兵備武官則以叅將一員守之以寧紹為一道其原設寧紹台兵備副使及叅將俱令止領寧紹二府以溫處衢為一道其原設溫處兵備分巡副使令兼領衢州一府以寧紹分巡事并於兵備道從總督胡宗憲請也復原任寧紹台叅將戚繼光職充新設金衢台分守叅將

明會典凡天下要害地方皆設官統兵鎮戍其總鎮一方者曰鎮守守一路者曰分守獨守一堡一城

者曰守備與主將同守一城者曰協守又有提督
提調巡視備禦領班備倭等名其總鎮掛將軍印
或不掛印皆曰總兵次曰副總兵又次曰叅將又

次曰遊擊將軍浙江鎮守一員

總兵官嘉靖三十四年設總理浙直

海防三十五年改鎮守浙直四十二年改為鎮守浙江舊駐定海今移駐省城

分守四員

杭州嘉湖叅將嘉靖三十五年改設駐海鹽所屬海寧把總寧紹叅將嘉靖三十九年改設駐舟山所屬定海臨觀昌國三把總溫處叅將嘉靖三十五年添設駐溫州所屬金盤把總台金嚴叅將嘉靖三十九年添設駐松

遊擊將軍二員

軍門標下左營萬厯二年

改設軍門標下右營嘉靖三十九年
設坐營中軍都司萬厯二年改設
總捕都司一

員嘉靖四十五年
添設駐衛州
把總七員
定海總兵下管遊哨
兵船昌國松海定海

金盤海寧臨觀紹興萬
厯八年革紹興一員

明實錄嘉靖三十二年六月南京御史趙震上禦倭
方畧言一宜行各府州縣隨宜招募使人自為戰
家自為守一各該管官軍嚴加選汰一錢塘江口
宜增置守備一捍海塘宜雜植荆棘勅兵防守一
募土人習水者為篙師有力者為勁卒仍調溫處

兵或山東長鎗手有警則隨機策應無事則分頭教習兵部議覆多採行之三十三年十二月兵部覆上提督張經條陳一編立本地主兵言諸路調兵勞費不貲而吳浙間者民沙民鹽徒礦徒類皆可用請於各府所屬州縣二百里以上者編兵三百名二百里以下二百名詔允行之三十五年三月兵部議覆九卿科道條陳禦倭事宜一明職掌浙江叅將俱隨時搶設職守未明請以杭嘉湖為

一道溫處為一道寧紹為一道各給勅符旗牌其
臨觀昌國金盤等處把總一如直隸事例聽撫按
會舉溫處守備及舊設浙江總督備倭都司係冗
員宜裁革疏入如議行

杭州府志嘉靖四十三年二月提督軍門趙炳然設
東西二大營七月建櫓木營

明會典隆慶二年正月兵部覆浙江撫按官趙孔昭
等奏寧波既設海道副使兵備事可以兼攝其紹

興兵備可省令寧紹台分守叅議移駐紹興台州
兵備僉事兼分巡三府至寧台紹叅將各防禦信
地仍聽總兵官居中調度從之五月兵部上譚綸
議請遣錦衣衛二人往浙江募寧紹溫台金衢等
處烏銃手三千人人給善器恤其家屬優其資用
付杭嘉湖叅將胡守仁原任叅將李超將之而北
無悞秋防至鎮之日人給衣鞋銀一兩日給五分
悉如部議三年題定浙江總兵駐定海叅將改駐

舟山遇汎則寧紹參將坐駕兵船直出沈家門外
海洋嘉台溫各參將俱出本區海面外洋據險結
營彼此會哨總兵居中調度左顧杭嘉右顧台溫
改寧波陸兵為總兵標兵各區參將把總俱聽節
制水陸軍兵都聽調度每遇汎期巡海兵備官親
詣邊海巡視四年題定浙江通省額設民壯一萬
六千三百九十名除留四千二百二十一名看守
各府州縣城池庫獄外其一萬二千六十九名自

隆慶四年為始徵收工食挑選精壯之人每名日
給銀三分設立隊伍整擷器械在杭湖嚴紹寧台
溫七府每府分派一總在嘉金衢處四府每府分
派二總聽該總叅都司把總官與軍兵合營操練
六年詔軍戶有丁倒戶絕并同名同姓被人妄報
連年勾擾者有司從公體勘得實即轉達該府兵
部開豁

海寧縣志萬厯二十六年復設海寧所中右營額計

驍兵四百三員名

全浙兵制考一全浙陸兵四十四總水兵共六十哨
水陸民兵雜流員役共三萬八千七百六十六名
水陸軍兵共一萬四千三百二十名 一全浙福
蒼沙唬等船共一千八隻 一軍門標下遊擊二
員陸兵名色把總九員哨官四十五員民兵七總
官兵雜役共三千八百員名軍兵二總官兵雜役
共一千八十六員名水兵名色把總二員

南關水
兵一枝

哨船二十四隻官兵三百二十員名北關水
兵一枝哨船二十五隻官兵三百二員名

總鎮標下坐營把總一員陸兵名色把總一員哨

官二十員民兵五總官兵雜役共二千六十四員

名中軍水哨名色把總一員中遊左右水哨名色

把總二員哨官四員

水兵三枝大小戰船共一百二十九隻民兵共二千五百

七十七名軍兵共五百九十六名

一杭嘉湖區兵巡道下中軍

名色把總一員哨官四員民兵一總官兵雜役四

百三十七員名巡哨名色把總一員巡哨領哨官

二員

水兵二枝 唬船共三十四隻 民兵四百六十八名 軍兵七十六名

叅將下中

軍名色把總一員

兼領叅遊哨

陸兵名色把總四員哨

官一十六員 民兵二總官兵雜役共八百七十四

員名 軍兵二總官兵雜役共八百七十四員名

水兵

一枝大小戰船二十隻 民兵二百四十二名 軍兵一十七名

海寧總備倭把總

一員 遊哨總哨官二員 乍浦關總哨官一員

水兵三枝

大小戰船共七十六隻 民兵共一千六百七十名 軍兵共二百五十二名

一寧紹區

巡視海道下中軍名色把總一員 哨官五員 民兵

一總官兵雜役共五百四十二員名

水兵一枝 船一十隻 民

兵一百名 軍 叅將下中軍名色把總一員

兼領正兵六十名

領哨旗牌官一員陸兵名色把總一員哨官五員

軍民一總官兵雜役共五百三十九員名

附操弓兵四十

八正遊左右水哨名色把總二員哨官二員

水兵三枝

大小戰船共九十隻 民兵共一千六百零三名 軍兵共三百六十三名

定海總備倭

把總一員總哨官二員哨官九員

水兵三枝 大小戰船共一百四

十一隻 民兵共二千九百六十八名 軍兵共七百四十名

臨觀總

內新添軍兵一總 萬厯二

十年 備倭把總一員陸兵總哨官四員哨官二十

員民兵二總官兵雜役共一千八十二員名軍兵

二總官兵雜役共一千八十二員名水哨總哨官

一員哨官二員

水兵一枝大小戰船共四十七隻民兵共一千二百八十二名軍兵

共一百五十七名

昌國總

內新添軍兵一總萬厯二十年裁

備倭把總一

員陸兵總哨官一員哨官五員軍兵一總官兵雜

役共五百四十二員名水哨總哨官二員哨官八

員

水兵三枝大小戰船共一百五十二隻民兵共二千七百四十四名軍兵共一千一百三十五

名

一台金嚴區兵巡道下中軍名色把總一員

哨官五員軍兵一總官兵雜役共五百八十九員

名叅將下中軍名色把總一員

兼領叅游哨

陸兵名色

把總四員哨官二十員民兵三總官兵雜役共一

千六百二十三員名軍兵一總官兵雜役共五百

四十一員名

水兵一枝大小戰船共四十隻民兵共七百九十名軍兵共二百一十五

名松海總備倭把總一員哨總官二員哨官八員

水兵三枝大小戰船共一百一十三隻民兵共一
二千零四名軍兵共一千三百一十三名

溫處區兵巡道下中軍名色把總一員哨官四員

民兵一總官兵雜役共四百九十八員名旗牌官

一員帶領本道隨征軍兵一百二十名

水兵一枝
號船八隻

抽隊兵九十三名
貼駕軍三十五名

叅將下中軍名色把總一員

兼領

叅遊

陸兵名色把總九員哨官三十六員民兵六

總官兵雜役共三千六十員名軍兵三總官兵雜

役共一千五百三十四員名

水兵二枝大小戰船
共八十六隻民兵共

二千二百二十名軍
兵共八百四十八名

金盤總備倭把總一員總哨

官四員哨官六員

水兵五枝大小戰船共一百四十隻民兵共三千六百二十二

名軍兵共一千八百九十名

一金衢區兵巡道下守備一員

陸兵名色把總三員哨官十二員民兵三總官兵

雜役共一千三百一十二員名 一處州團操陸

兵名色把總二員哨官八員民兵一總官兵雜役

共四百九十四員名軍兵一總官兵雜役共五百

三十九員名

浙江通志卷九十

欽定四庫全書

浙江通志卷九十一

兵制

二

國朝

八旗駐防官員

大清會典杭州設滿洲將軍一員副都統二員八旗每旗協領一員佐領四員防禦一員驍騎校四員左翼漢軍副都統二員四旗每旗協領一員叅領一

員防禦五員驍騎校五員

順治五年遣固山額真金礪來杭駐防掌平南將軍印
有梅勒火喇牛象等官康熙初年改固山額真為將軍
都統梅勒為副都統火喇為叅領牛象為佐領康熙十三年
原設將軍一員副都統四員將軍筆帖式四員滿洲八旗
每旗協領一員佐領二員驍騎校二員蒙古八旗每旗佐領
一員驍騎校一員漢軍四旗每旗協領一員叅領一員防禦
三員驍騎校二員本年八月二十一日奉

旨滿洲八旗每旗添放防禦一員十七年十二月二十
二日奉

旨滿洲八旗每旗添放佐領一員驍騎校一員漢軍四
旗每旗添放防禦二員驍騎校三員三十年五月

旨滿洲八旗每旗添放防禦一員三十七年五月二十

四日奉

旨滿洲八旗凡有佐領陞協領者其佐領歸與協領兼

管雍正元年九月初二日奉

旨蒙古八旗添放協領一員仍兼管本旗佐領六年九

月十九日奉

旨副都統傅森領兵駐劄乍浦

杭州現在將軍一員滿洲副都統一員漢軍副都統

二員滿洲八旗協領八員佐領一十六員防禦一

十四員驍騎校二十四員筆帖式四員蒙古八旗

協領一員佐領七員防禦二員驍騎校八員漢軍

四旗協領四員叅領四員防禦二十員驍騎校二

十員

駐防甲兵馬匹

大清會典杭州駐防滿洲馬兵一千五百六十四名漢軍馬兵一千四百三十六名步兵七百名

官員馬九百四十二匹兵丁馬九千二百七十五匹

康熙十三年額設滿洲蒙古八旗馬兵九百六十六名鐵匠四十八名弓匠二十四名步兵七百名漢軍四旗馬兵一千零三十一名鐵匠三十七名步兵三百四十七名滿漢共倭爾布七百六十名

十七年四月奉

旨革退倭爾布七百六十四名添馬兵一千名內滿洲

八旗添五百六十七名漢軍四旗添四百三十三名十八年正月滿洲八旗每旗添弓匠二名鐵匠

二名十九年閏八月奉

旨漢軍四旗共撥馬兵六百六十名步兵三百四十七

名著副都統胡起元帶往福州駐劄自閏撥馬兵六百六十名步兵三百名著副都統呂雲相帶往

杭州駐劄內撥步兵五十名給滿洲八旗二十二年十月奉

旨滿洲八旗額兵內放暫委前鋒二百名二十三年八

月奉

旨革退滿洲八旗步兵三百名三十年五月奉旨添馬兵二百名內滿洲八旗添兵六十四名漢軍四

旗添兵一百三十六名滿洲共馬兵一千六百名漢軍共馬兵一千六百名滿洲額兵內撥出二百

名漢軍額兵內挑出八百名教習烏鎗三十一年十一月奉

旨漢軍四旗添砲手十六名五十八年奉
旨滿洲八旗派兵一千名往雲南出兵隨添補兵一千

名六十年六月奉
旨滿洲八旗所添兵一千如遇事故跌出即行汰除至

雍正七年八月共汰除兵六百二十六名其餘
未汰兵三百七十四名撥往乍浦水師數內

杭州現在滿洲兵一千二百名弓匠二十四名鐵

匠四十八名步兵三百六十五名蒙古兵四百名

弓匠八名鐵匠十六名步兵八十五名漢軍兵一

千六百名鐵匠三十七名步兵二百五十名砲手

十六名

駐防城

在浙江省城內西俗呼滿洲城緣以磚垣四圍設大小營門順治五年及七年建內

園仁和縣東南西北面及右衛中所屯地共計徵地一百四十畝零基地五百二十畝四分零蕩七

畝零屯地一百一十七畝零又園錢塘縣南北面西壁坊及前衛屯地共計徵地二畝四分零基地

二百二十畝六分零屯地二十七畝二分零又於順治十六年續園界牆外錢塘縣南壁面西壁坊

徵地七十五畝七分零基地三百二十五畝七分零

駐防營砲位

向存三號紅衣砲八位雍正四年奉文鑄造子母砲四十八位

演武塲

在錢塘門內西倚城東南三面緣以垣地廣三百一十六丈東南為門二中為演武

堂堂左右為廳各二堂後為
大神廟南北盡處為營房

駐劄乍浦水師營

滿洲右翼副都統一員協領四員蒙古協領一員佐

領一十一員防禦八員驍騎校一十六員筆帖式

二員左右兩營滿洲蒙古撥什庫等共兵一千六

百名

內左營八百名自杭州移駐
右營八百名自江寧移駐

綠旗水手兵共四百名

內定海鎮抽兵一百五十
四名黃巖鎮抽兵六十六

名溫州鎮抽兵五十名瑞安營抽兵二十八名鎮
海營抽兵四十二名乍浦營抽兵六十名撥歸滿

營教習

滿營戰船共二十二隻

營房共三千二百間又綠旗水兵營房四百間

演武場

在乍浦城東門內計六十二畝建演武廳三間耳房二間鼓亭二座旗桿一根照牆

一座

雍正六年四月鎮守杭州等處將軍鄂彌達等題

為欽奉

上諭事准兵部咨開雍正五年十月議政王大臣內閣

九卿奉

上諭滿洲兵丁弓馬技勇均屬優長人莫能及惟於水師向來未曾練習是以朕令天津地方設立水師營以教習之今思杭州駐防兵丁既在濱江沿海之地亦當令其學習水師之事著鄂彌達李衛悉心商酌應於何處設立營房如何布置期於妥協若照潼關之例於杭州駐防之壯丁中挑選充補令其練習似於兵丁有益而國家亦得水師之用不知杭州壯丁

中足敷挑選否亦令鄂彌達李衛酌量欽此欽遵移

咨到

臣

隨咨會督臣李衛細加酌議查浙省沿海

之地寧波府屬之鎮海縣洋面雖廣而城垣窄小
居民稠穰城外亦無閒隙之地可以建造營房且
距定海鎮僅二百餘里寧波府僅隔六十餘里提
臣鎮臣俱有重兵駐劄又黃巖之海門與台屬前
所相對中隔椒江雖為南北要衝從前設有總兵
後經改駐黃巖海門僅隔黃巖鎮三十餘里又寧

海之健跳所東臨大洋山嶼層疊港路寬深但與杭省寫遠陸路則山徑崎嶇行走甚難兼有兩江之隔呼應不靈健跳形勢太孤亦無可設營房之地惟嘉興府屬平湖縣之乍浦地方係江浙接壤東與江南松江之提臣海道遙遠南隔寧波提臣海道四百餘里此地間於二處之中與省城海口之鯨子門甚近臣等相度地勢情形雖內港不甚寬廣然此地實為江浙兩省海道咽喉通達外洋

諸國最關緊要且離杭州止二百八十餘里水陸俱通往來甚便與省城駐防滿兵聲勢聯絡首尾照應該處駐劄滿洲水師官兵實有裨益至乍浦城週圍九里三分距平湖縣僅三十里城垣新經修理堅固城內有民間菜園稻地可買甚是寬濶且尚有零碎官基堪以湊建衙署營房民情無不樂從本年二月二十七日副都統臣偏圖

陛辭回浙宣奉

皇上詢及浙省添設水師兵數臣偏圖

奏對浙省添設水師兵須得一千名隨奉

聖諭一千似乎兵單須得二千纔好欽此

臣等查得康

熙五十八年駐杭滿洲蒙古兵內奉調往雲南進

藏時杭州添補滿洲蒙古兵一千名曾准部咨遇

有事故缺出汰除不補等因在案今尚存未汰兵

四百八十名將滿洲蒙古八旗另戶通數兵丁內

挑選少年精壯者四百八十名再將滿洲蒙古八

旗另戶壯丁內少年精壯者挑選三百二十名合
為八百名之數俟乍浦地方營房建造完竣之日
先令帶領前往學習水師之事水師營額兵內事
故缺出若無隨帶子弟頂補將杭州閒散壯丁挑
選少年精壯者頂補杭州額兵內事故缺出即將
杭州壯丁選補如杭州乍浦兩處兵內或有老病
退甲伊等父子願就養膳俱聽從就養其新設立
水師營應添設官員兵丁或於京城或於江南調

撥來浙之處恭候

皇上欽定候

旨遵行 臣等管見杭州已派兵八百名作為一營抑或
京城江南調撥八百名來浙共一千六百名分為
兩營演習時一營存城看守一營帶領操演輪流
習學始能熟練至奉

諭旨設立二千名其所少四百名之數 臣等查得乍浦
綠旗水師兵五百名係雍正二年於請更闢浙等

事案內部議特行添設自乍浦海口以及大小羊山一帶令其永遠巡防奉

旨依議欽遵該營海汛與提標右營分界直至江南洋面在營兵丁各有哨巡海洋把守汛地墩臺城寨之責難以移動其浙省沿海水師各營兵丁每年配船出洋者水性船務自必諳練若全於一處抽調恐悞彼處洋汛巡防請於各營內按兵數多寡均勻派定挑選四百名改為新設滿洲水師營之

捕盜頭舵繚手阿板舢板舵手水手等項之用共
合二千名之數其各營兵額仍令募充補足於沿
海巡防仍可無悞此外如有尚不敷用者暫著地
方官另行催募照例給與工食俟滿洲水師熟練
之後將催募之捕盜等仍行發回以節錢糧其乍
浦水師營弁遇非哨巡在洋之時即可令其幫同
旗員教習滿兵水務庶省隔汎另調之煩其杭州
選撥水師共八百名共議編為八個佐領內滿洲

每旗七十五名共六百名編為六個佐領設協領
二員即著仍兼管佐領只須添設佐領四員防禦
三員驍騎校六員每佐領下小撥什庫六名蒙古
每旗二十五名共二百名編為兩個佐領添設蒙
古佐領二員防禦一員驍騎校二員每佐領下小
撥什庫六名或京城或江南挑撥官員兵丁亦照
依杭州先行派定之數駐杭原有滿洲蒙古漢軍
兵三千二百名將軍一員滿洲副都統二員漢軍

副都統二員伏祈

皇上或就於本省四員副都統內

欽點一員前往統轄或於京城另選賢能大臣統轄應

給關防及隨印筆帖式二員設理事同知一員管

理旗民事務其官員俸餉米石并撥什庫錢糧俱

照天津水師營之例支給每兵每月給錢糧一兩

五錢米三倉斗官兵俸餉米石即於嘉興府屬之

解司錢糧米石內就近撥解乍浦城按月支給至

於官兵房屋應照天津水師官兵之例給副都統
房二十間協領房十五間佐領房十二間防禦房
八間驍騎校房六間筆帖式房三間兵丁房二間
恭候

命下之日 臣李衛選擇能幹文職官員支領錢糧於乍
浦地方將勘定處所官基民地分別丈撥購買造
設營房工完核實報銷所有水師營船隻照天津
水師兵配駕之例大號趕艚船每船應用捕盜一

名舵工二名繚手一名舵手二名阿板二名舢板
二名水手二十名小號趕艚船每船應用捕盜一
名舵工二名繚手一名舵手二名阿板一名舢板
二名水手十二名查天津水師營大號趕艚船每
隻堪容八十餘人小號趕艚船堪容五十餘人每
船需大砲五位小砲酌量配用海內水勢深淺風
勢大小不一若兼造大小二號趕艚船隻不拘風
勢大小水之深淺俱可撐駕共需用大號趕艚船

十隻小號趕艚船十隻每船應隨帶小舢板一隻
以足二千名兵丁之用再查乍浦洋面附近江南
之處多係沙塗更與別處洋面不同若盡用趕艚
則駕駛不甚便利應於大小趕艚船數內各減去
一隻改造南艚船四隻則洋面可以適用俟

命下之日即行動項辦料興工其船隻及船上所需棧
木舵枷櫓木棕椗繩絛索等項係屬緊要應行地
方官務須悉心料理堅固其官兵應用器械仿照

天津設立俱為烏鎗水師巡防出哨火箭籐牌挑
刀等項船上所用旗纛及演習所用藥彈俱照海
洋趕艚船內配用數目照例交地方官製造給發
應用杭州官兵俟

俞允起行之日交鹽驛道備辦船隻送往乍浦水師營
兵操演之時該臣等每年春秋二次分班前往查
看操演俟演習精熟之日停其往查臣等識見淺
陋伏乞

皇上勅部議覆施行經議政王大臣等會議應如鄂彌達等所請覆奏奉

旨依議

雍正七年三月十四日奉

上諭

恭紀首卷

加恩各省駐防兵丁杭州賞銀二萬兩乍浦

賞銀一萬兩交與該將軍都統等營運生息如兵

丁家有吉凶之費將息銀量給以濟其用

總督標兵

大清會典舊設總督浙江福建軍務一員標下設中左

右三營官

順治十五年裁康熙八年復設九年裁

總督浙江軍務一員標下設中左右三營官

康熙八年裁九年

年復設二十三年裁

水利道一員標下守備一員

順治七年裁

督糧道一員

標下守備一員

順治十年裁

分巡道五員

杭嚴嘉湖金衢溫處紹台

標下守備各一員

順治十年裁

分守道四員

金衢溫處寧紹嘉湖

標下守備各一員

順治十年裁

寧紹巡海道一員標下

守備一員

順治十八年裁

康熙九年原設督標中左右三營副將一員參將二員守備三員千總六員把總十二員續增前後二營參將二員守備二員千總四員把總八員馬戰兵共五百七十名步戰兵共九百三十名守兵共一千五百名

康熙十三年三月耿逆據閩叛總督李之芳奉

命移駐衢州大破賊於仙霞嶺十五年秋上師由浙入閩閩逆迎降十九年八月和碩康親王凱

旋二十一年李之芳奉

旨班師仍駐杭州內陞兵部尚書二十三年浙江總督

奉裁標下存兵一千七百八十二名題准撥添衢州協鎮營二十六人復設閩浙總督駐劄福州府

督標營兵屬
福建管轄

巡撫標兵

大清會典提督浙江軍務巡撫一員標下左右二營

原設

撫標順治十八年裁
康熙十三年復設

左營遊擊一員守備一員千

總二員把總四員右營遊擊一員守備一員千總
二員把總四員巡撫標下經制兵共一千五百名
內馬兵一百五十名步兵一千三百五十名

上諭事康熙十三年三月為欽奉

浙江巡撫照甘肅例仍舊管兵設左右二營官

十六員兵一千五百名兩營官兵係全省應援之
師俱駐劄杭州府省城三十四年十一月為欽奉

上諭事兩營裁戰兵一百名三十八年十一月為咨明
事案內欽奉

上諭江南浙江江西督撫標兵無用不便遽裁有缺不
補其附近營伍缺出將督撫標兵撥補欽此陸續附
撥杭嘉湖嚴紹各協營馬戰守兵丁五百九十四
名右營遊擊一員陞缺不補歸左營遊擊兼管右
營千總二員左營把總一員缺出不補四十二年
巡撫張泰交為請

旨事題請仍留現存遊擊一員守備二員千總二員把
總七員兵八百零六名內馬兵八十一名戰兵三
百四十八名守兵三百七十七名五十二年巡撫
王度昭為題請酌補標員等事五十二年三月題
准左營千總二員內酌撥一員補入右營左營添
補把總一員每營各設千總一員把總四員雍正
二年四月總督滿保為請更閩浙等事每營抽出
守兵一十名赴乍浦營補額兩營撥赴乍浦營守

兵二十名現存額兵七百八十六名五年七月內
為敬陳管見等事兩營設外委千總二員把總四
員因撫標差使繁多不敷委用咨請多設把總四
員共外委千把總一十員六年四月總督臣李衛
為敬陳鹽政銅弊等事題准設立巡鹽千總一員
百總一名領旗四名戰兵四十五名守兵五十名
駐劄杭州府海寧縣長安鎮屬左營管轄於海寧
海鹽平湖桐鄉等縣及嘉湖要汛接壤江南之處
巡查

撫標兩營現設叅將一員

雍正九年改撫標中軍遊擊銜為叅將

守備

二員千總二員把總八員外委千總二員外委把

總八員

兩營馬步戰守兵丁現在額設共七百八十六名

雍正十三年備協改鎮添兵本標
裁溢額馬三匹改步戰兵三名

官員馬四十四匹兵丁馬一百五十匹

兩營操演隊伍

馬兵弓矢二隊步兵弓矢四隊步
兵京鎗八隊藤牌兵丁二隊大砲

兵丁二隊共一十八隊每
逢操期至礮木營操演

兩營操演陣法

初演梅花陣次演三疊陣三演太
極陣四演兩儀陣五演八門陣六

演六花陣七演青龍出
水陣八演得勝安營陣

以上行陣與城守水師四營合操畢較射馬步弓
矢火器演放鉛子打傘及連環進步并藤牌長鎗

等技

兩營軍器砲位數目

弓二百六十三張
戰箭六千枝
京鎗二百八十桿
藤牌七

十二面腰刀七百八十六口
大砲二十位
內劈山砲一十七位
過山鳥砲一位
子母砲二位

火藥庫

原在錢塘學宮左側
因民居稠密不戒於火
乃移慈雲寺前康熙二十四年巡撫趙

士麟於教場後買地三畝
有奇建東西火藥庫各五間
前官廳三間又頭門三間
內外重築圍牆

櫛木營教場

在省城候潮門外基地二百一十八畝
除建造營房外餘為開操之所

雍正九年九月兵部為請定武職陞選等事議得

浙江總督李衛疏稱接准部咨協標中營并左右

營遊擊協標中軍守備及嵩營守備一槩改為都司僉書令各省督撫提鎮確查題明等因查浙省台協樂清瑞安副將中軍俱係守備職小未稱均請改為都司僉書其嵩營守備內如錢塘水師麗水營昌石汛各守備均請改為都司僉書庶官職稍重可資彈壓至撫標中軍遊擊改為叅將誠為至當唯浙江叅將嵩任水師者止有鎮海一缺而水師遊擊則有十員查乍浦界連江浙逼近洋面

從前設兵僅五百名是以止用遊擊管轄今滿營
水師舵水四百名俱係綠旗兵丁現屬乍浦遊擊
管束操練兵數已多似應將乍浦水師遊擊改為
水師叅將其陸路在乍之備弁兵丁并本城內外
地方仍聽其兼轄遊擊既改叅將毋庸聽嘉協副
將節制等因應如所請准其改設應給傳

勅關防并都司關防行文禮部鑄造換給可也奉

旨依議

提督標兵

大清會典浙江提督一員駐劄寧波府標下中左右前

後五營統轄全省中營叅將一員守備一員千總

二員把總四員左營遊擊一員守備一員千總二

員把總四員右營遊擊一員守備一員千總二員

把總四員前營遊擊一員

駐劄大
嵩所

守備一員千總

二員把總四員後營遊擊一員守備一員千總二

員把總四員

舊設旗鼓都司一
員順治十五年裁

提督標下經制兵

共一萬三千二百七十五名內馬兵一千二百一十三名步兵一萬二千六十二名

提鎮標官員馬共一千二百八十六匹兵丁馬共三千八百八十匹

標下原轄杭州城守營錢塘水師營其額設官員兵馬船隻俱詳杭州府
嘉興城守營乍浦水師營其額設官員兵馬船隻俱詳嘉興府

湖州城守營太湖水師營其額設官員兵馬船隻俱詳湖州府

嚴州城守營舊隸提督管轄雍正十三年衛協改鎮本營改隸衛鎮

寧波城守營舊隸黃巖鎮於雍正七年奉文改歸提督標下管轄

衢州城守營原屬提標管轄康熙四十九年改隸處州鎮雍正十三年為請

旨事

改協為鎮其城守都司歸衢鎮管轄浙閩楓嶺營原係提督親標遊擊一員千總一員

把總二員屬浙提管轄守備一員千總一員把總二員屬福建管轄雍正十三年衢協改鎮本營官

兵歸衢鎮管轄康熙三十五年為欽奉

上諭

事裁減步兵四十四名守兵七名雍正二年為請更浙閩等事提標五營共減守兵五十名撥歸乍

浦營募補五年為敬陳管見等事添設外委千總一十三員外委把總二十員仍在有馬戰兵額內

旨改

設事右營遊擊一員千總一員把總二員中營守

備一員千總一員把總二員
改為水師輪流出洋巡查

提標中左右前後五營現設叅將一員遊擊四員守
備五員千總十員把總二十員外委千總一十三
員外委把總二十員

駐劄寧波府城叅將一員左營遊擊一員右營遊擊
一員後營遊擊一員中營守備一員左營守備一
員右營守備一員中左右後千把總共二十一員
五營兵丁現在額設共四千二百三十五名

內有
馬戰

兵四百五十九名無馬戰兵一千七十九名水戰
兵六十名守兵二千四百九十七名水守兵一百
四十名雍正十三年衛協改鎮添兵本標
裁溢額馬三十六匹改步戰兵三十六名

官坐馬一百三十二匹兵丁官給馬四百五十九
匹

駐防大嵩所城前營遊擊一員前營守備一員前營
千總一員前營把總一員

馬步戰守兵丁共三百六名

哨船五隻

分防嶠崎汛把總一員馬步戰守兵丁一百五十
五名

分防鹽場汛把總一員馬步戰守兵丁一百六十
五名

分防穿山所城汛左營千把一員

分防霽靄所城汛左營千把一員

分防崑亭寨城汛左營千把一員

穿山霽靄崑亭三汛向係鎮海營原轄汛地雍正
二年十月內為請更浙閩等事撥防本營官兵三

百二十
三員名

分防應家棚後營守備一員馬步戰守目兵三百

名

提督標現在紅衣砲一十位

存營

行營砲一百零三

位

內安設大嵩城一十二位
砲臺四位存局八十七位

鐵百子砲一百三十

四位

內安設應家棚汛三十
一位存局一百三位

蕩寇砲一千位

俱給
兵操

演

又收陳尚義寄局銅砲一位

存營

鐵煩砲一十三

位穿山砲三位

存營

百子砲二十四位

存營

雍正五年兵部為敬陳管見事議覆福浙總督高
其倬疏稱外委千把於各營之中每凡額兵二百
名許外委把總一名額兵四百名許外委千總一
名協同經制千把管辦汛守其外委千把聽各營
將官俱於馬步兵丁內考驗操防勤慎及漢仗弓
馬好者秉公選擇不得冒濫仍報明督撫提鎮驗
看給與劄付於年終造冊報部如能巡防勤慎地
方寧謐令該管督撫提鎮遇有經制把總缺出即

行拔補以示鼓勵等語應如該督所題可也奉

旨依議

黃巖鎮標

大清會典鎮守黃巖總兵官一員駐劄黃巖縣標下中

左右三營管轄台州營象山營寧海營寧波城守

營太平營

原設水師右路總兵官康熙八年改為黃巖總兵官調駐平陽九年調寧海總

兵官為黃巖總兵官十五年裁十八年復設

中營遊擊一員守備一員

千總二員把總四員左營遊擊一員守備一員千

總二員把總四員右營遊擊一員守備一員千總

二員把總四員

舊設黃巖城守營參將等官康熙二十三年裁

黃巖鎮經

制兵共一萬一百二十三名內馬兵一千十二名

步兵九千一百一十一

黃巖鎮標下台協營寧海營太平營其額設官員兵丁俱詳見台州府

象山協營舊陸路隸黃巖鎮洋汛隸定海鎮雍正七年題准統歸定海鎮管轄

寧波城守營舊隸黃巖鎮雍正七年題准改歸提督管轄

紹興協營舊隸定海鎮雍正七年題准改隸黃巖鎮其額設官員兵丁詳見紹興府

黃巖鎮標下駐劄黃巖縣城中營遊擊一員左營遊

擊一員左右二營守備二員三營千總六員三營

把總一十一員

其右營遊擊一員中營守備一員左營把總一員駐防海門衛

外委千總六員外委把總一十一員

俱於雍正五年添設

三營馬步戰守兵丁舊額二千五百七十五名現

存二千二百三十一名

雍正十三年衛協改鎮添兵本標裁溢額馬十一匹

改步戰兵
十一名

戰哨船二十五隻

詳見海防

現存大小紅衣砲九十三位

內安設砲臺六位配船五十五位守護城

池三十位得勝砲一十六位

俱配戰船

行營砲二十二位

內安設砲臺四位海門衛三位守護城池一十五位

馬蹄砲八位

內安設砲臺七位海

門衛一位劈山砲五十位

俱配戰船

穿山砲八位

俱配戰船

百子

砲七十一位

俱配戰船

蕩寇小砲六十桿

俱給兵配船

又詳

撥台協百子砲一百二十一門

內已領六十門俱配戰船未領六十

一門現在赴領配船

雍正八年七月十六日奉

旨黃巖鎮標兵丁著賞銀一萬兩令該鎮會同督撫提督料理營運以備賞給之用歲底將一年生息及賞過若干報明該督撫提督查核該部知道

定海鎮標

大清會典鎮守舟山鎮總兵官一員駐劄舟山標下中

左右三營管轄紹興城守營定海城守營

原設定海總兵

官順治十六年調駐京口又調隨征福建總兵官駐定海改為定海總兵官十七年移駐台州改為寧紹台總兵官康熙八年移水師左路總兵官駐定海二十三年移駐舟山改為舟山鎮總兵官二

十六年舟山改設定海縣舟山鎮改名定中營遊
海鎮二十七年定海城守營改名鎮海營

擊一員守備一員千總二員把總四員左營遊擊
一員守備一員千總二員把總四員右營遊擊一
員守備一員千總二員把總四員定海鎮經制額
設兵共五千八百七十名內馬兵三百八十七名
步兵五千四百八十三名

紹興城守營舊隸定海鎮雍正七年題准改隸黃
巖鎮

象山協營陸路舊隸黃巖鎮雍正七年題准與水
汛統歸定海鎮管轄其額設官兵船隻俱詳寧波

府

寧波城守營舊隸象山協營雍正七年改歸提督

管轄

鎮海城守營雍正二年改為水師營其額設官兵

船隻詳見

寧波府

定海鎮標中左右三營現設遊擊三員守備三員千

總六員把總一十二員

外委千總六員外委把總一十四員

俱於雍正五年添設

三營兵丁現在額設二千八百四十一名

內馬戰兵一百

名步戰兵五百八名水戰兵二百三十三名步兵守兵一千三百二十三名水守兵六百七十七名

各官自備坐馬八十二匹兵丁官給馬一百匹

戰哨船四十二隻

其大小船式內外洋汛詳見海防

現存紅衣砲一百五十一位

內安設各砲臺汛口二十七位配船一百

位守護城池二十四位

得勝砲六位

守護城池

馬蹄砲四位

守護城池

淨瓶砲七位

守護城池

劈山砲四位

守護城池

百子砲四百

二十二位

內配船三百七十五位守護城池四十七位

蕩寇砲七百七

十七位

俱給兵操演

掘獲銅砲一位又續報查出銅百

子砲七門

雍正八年七月奉

旨定海鎮標兵丁著賞銀一萬二千兩令該鎮會同該督撫提督料理營運以備賞給之用歲底將一年生息及用過若干報明該督撫提督查核該部知道

溫州鎮標

大清會典鎮守溫州總兵官一員駐劄溫州府標下中左右三營管轄溫州城守營金華城守營處州城守營大荆營樂清營磐石營中營遊擊一員守備

一員千總二員把總四員左營遊擊一員

駐防寧村寨

守備一員千總二員把總四員右營遊擊一員守

備一員千總二員把總四員

舊設旗鼓守備一員順治十五年裁右營

遊擊駐防寧村寨雍正七年將右營遊擊移駐寧村專司陸汛其左營官兵撤回與中營一例專管

水師溫州鎮經制兵共八千六百五十二名內馬兵

八百六十五名步兵七千七百八十七名

順治十三年設立溫州鎮統轄本標三營兼轄溫州城守營并處州金華衢州瑞安樂清大荆磐石各協營至康熙四十九年八月內為謹陳地方情形等事改設處州總兵官本標金衢二協改歸處

州鎮管轄溫州鎮標下溫州城守營大荆營樂清營磐石營其額設官員兵丁俱詳溫州府

平陽協營康熙四十九年以處州副將移駐平陽歸溫州鎮管轄其額設官員兵丁詳見溫州府

瑞安營原設叅將康熙十年改設副將隸平陽鎮後隸處州鎮於雍正二年閩浙督臣滿保題准以瑞安營陸路副將改為水師隸溫州鎮其額設官兵船隻詳見溫州府

康熙二十一年本標三營額設馬步戰守兵丁二千九百五十名內於二十二年為請

旨班

師事陸續奉裁戰兵五十一名守兵一百二十一名又於本年六月為各省保奏之微權等事奉裁

戰兵四十七名守兵四十六名三十二年九月內為請定歲終等事裁征馬二十七匹改馬戰兵為

戰兵三十五年六月為欽奉
上諭事將戰兵裁減一百一十名守兵裁減四十名雍正

欽定四庫全書

卷九十一

正七年十月為遵
旨議覆事將京撥戰兵二名守兵五名裁撥杭嘉湖三

協召募操防

康熙二十六年本標戰船共二十七隻內中營分
管戰船十隻左營分管戰船八隻右營分管戰船
九隻雍正二年八月為請更闢浙等事右營題改
陸路瑞安營改為水師將本標右營所管戰船九
隻撥歸瑞安營管駕巡防六年五月為敬陳查復
浙洋等事撥快船四隻歸入本標中營管駕二
隻左營管駕二隻

溫州鎮標中左右三營現設遊擊三員守備三員千

總六員把總一十二員

外委千總六員外委把總一十二員

俱於雍正
五年添設

三營兵丁現在額設共二千五百二十八名

內中營有

馬戰兵九十名無馬戰兵七十一名水戰兵六十五名守兵四百七十四名水守兵一百四十三名共八百四十三名左營有馬戰兵八十九名無馬戰兵七十三名水戰兵六十二名守兵四百七十三名水守兵一百四十七名共八百四十三名右營有馬戰兵八十九名無馬戰兵一百三十六名守兵六百一十七名共八百四十二名雍正十三年衛協改鎮添兵本標右營裁溢額馬四十匹改戰守兵四十名

中營各官自備坐馬三十八匹兵丁官給馬九十

匹左營各官自備坐馬二十二匹兵丁官給馬八

十九匹右營各官自備坐馬二十二匹兵丁官給馬八十九匹

中左二營戰哨船共二十二隻

內中營管戰船十隻快哨船二隻左

營管戰船八隻快哨船二隻其分管汛地詳見海防

現在紅衣砲一十一位

內安設寧村城四位梅頭汛一位存局六位發

煩砲五十九位

內安設砲臺四位配船五十五位

得勝砲三十三

位

俱配戰船

劈山砲三十二位

俱配戰船

百子砲一百二十

七位

俱配戰船

行營砲七十九位

內安設城寨砲臺共三十八位演擺陣勢

三十位存局十一位

過山鳥砲五位

內配船四位存局一位

又續報踰

獲銅百子砲三位

雍正二年兵部為請更閩浙兩省水師等事議覆
福浙總督覺羅滿保疏稱閩浙兩省均係濱海地
方水師將領非生長水師者不能勝任但水師副
將叅將缺少水師遊擊有善於水師者不能及時
陞轉等語應如所請將浙省溫鎮所屬瑞安一出
港口即是大海應將陸路副將改為水師副將令

其哨巡南洋磐石逼臨大海應將磐石營陸路遊
擊改為水師叅將令其哨巡北洋鎮海營坐臨大
海應將鎮海陸路叅將改為水師叅將令其哨巡
鎮海關大荆營叅將汛地無多應改為大荆營遊
擊再疏稱溫鎮海洋有瑞安磐石及鎮標中左二
營水師洋面足資巡防所有溫鎮右營官兵改為
陸路令其巡防瑞安西北陸汛瑞安以南陸汛應
歸平陽副將管轄磐石西北陸汛應歸樂清副將

管轄等語應均如所請將瑞安磐石各汛令各營官兵分佈巡防管轄至該督又請嘉興所屬之乍浦洋面與江南洋面交界最是繁劇向撥千總巡查恐微員不足彈壓應於定海鎮右營將備內每半年輪撥一員帶兵配船防守乍浦羊山一帶海汛以資彈壓等語查浙江嘉興所屬乍浦地方面臨海洋為閩廣兩省及浙江本省寧紹二府船隻收泊之處逼近大小羊山海口緊要向於定鎮三

營內派沙船四隻撥右營弁員巡查而千總微員
不足以資彈壓今以將備帶兵防守雖屬允當但
半年輪防弁兵未免往返勞苦且定海鎮離乍浦
甚遠彼此更換之際沙船候風又未免遲悞日期
查乍浦地方原有嘉興協所轄之守備一員千總
一員帶兵二百餘名駐劄分防今應再專設遊擊
一員守備一員千總一員把總二員駐劄乍浦就
近帶兵配船巡查洋面自乍浦海口以至大小羊

山一帶令其永遠巡防毋庸再撥定海鎮弁兵所
有應設兵丁若干或應另行添設或於近營派撥
令該督酌定題報再查設立戰船原資水師營員
出洋巡查之用今該督既請將溫鎮右營官兵改
為陸路則右營水師遊擊守備等缺俱應准其改
為陸路而右營等戰船亦俱應改撥令水師營員
配兵巡防可也奉

旨依議

雍正八年八月初三日奉

旨溫州鎮標兵丁著賞銀一萬兩令該鎮會同該督撫
提督料理營運以備賞給之用歲底將一年生息及
賞過若干報明該督撫提督查核該部知道

處州鎮標

大清會典鎮守平陽總兵官一員駐劄平陽縣標下中
左右三營管轄瑞安營中營遊擊一員守備一員
千總二員把總四員左營遊擊一員守備一員千

總二員把總四員右營遊擊一員守備一員千總

二員把總四員

康熙八年設鎮守平陽總兵官四十九年閩浙督臣梁鶚奏准以平

陽一鎮移駐處州改為處州總兵官兼轄金衢二協其瑞安營副將於雍正二年閩浙督臣覺羅滿

保題准改為水師營歸溫州鎮管轄鎮標經制兵共四千三十名內

馬兵四百三名步兵三千六百二十七名

標下麗水營康熙五十二年閩浙督臣范時崇題設其官員兵丁詳見處州府

金華城守營其額設官員兵丁詳見金華府

衢州城守營舊隸處州鎮雍正十三年題准改隸

衢州鎮中營分管青縉景三縣汛左營分管龍雲慶三縣

汛右營分管遂松宣三縣汛其餘分防詳處州府
康熙四十九年八月內平陽移帶兵丁一千五百
一十五名又處協收回兵丁一千一百一十六名
共馬步戰守兵丁二千六百三十一名五十二年
撥給麗水營一百四十名雍正七年為遵
旨議費事裁京撥守兵八名

處州鎮標中左右三營現設遊擊三員守備三員千

總六員把總一十二員

外委千總六員外委把總一十二員

俱於雍正五年添設

三營馬步戰守兵丁現在額設共二千四百八十

三名

雍正十三年衢協改鎮添兵本標裁溢額馬二十九匹改步戰兵二十九名

現在行營砲三十五位

存營

劈山砲一十九位

存營百

子砲五十九位

存營

康熙四十九年兵部為敬陳地方情形等事議覆
福浙總督梁鵬疏稱浙江處州一府管轄十縣除
附郭外其餘各邑歷來未有城郭皆在深山之中
險要之處甚多該地設一副將其額兵共止一千
一百一十六名以之分防十縣併各處塘汛每覺
稽察難周莫若將平陽一鎮移駐處州即以處州

副將移駐平陽彼此實屬相當查平陽鎮標額兵共二千九百九十五名今該總兵移駐處州除處協現在兵一千一百一十六名外該總兵再帶兵一千五百一十五名共足二千六百三十一名之數其遊守等官俱帶往照舊管轄所有金華衢州二副將俱歸處州總兵統轄其平陽所存兵一千四百八十名即將處州副將移駐管轄改為平陽協處轄原官帶往該協營聽溫州總兵統轄如此

一轉移間地方兵制各適其宜巡防周密裨益似
非纖少等因應如該督所請更調可也奉

旨依議

康熙五十二年兵部為遠補營員事議覆福浙總
督范時崇疏稱處州一郡兵單汎廣稽察難周前
督臣梁萬題請將平陽一鎮移駐處州即以處州
副將移駐平陽是以原防守蒲壯鎮下守千把三
員兵二百九十五名久經歸入平標額內改協設

鎮之時原應一併移調處州以符經制而原題疏
內有該總兵再帶兵一千五百一十五名遊守等
官俱帶往之語是以官米處郡兵在平陽茲查平
陽一縣前設兵一千四百八十名令將蒲壯鎮下
原管兵丁二百九十五名撥歸處州尚存兵一千
一百八十五名足可分防而設防麗水碧湖守千
把三員前經本標三營分撥兵一百四十名令將
蒲壯鎮下原管兵丁二百九十五名撥歸處州共

合四百三十五名設為麗水專營分防碧湖要汛而兵得實用營制得定并請鑄給關防以專責任等因查康熙四十九年經原任福浙總督梁萬奏請將平陽一鎮移駐處州處州副將移駐平陽除處協現在兵一千一百一十六名外該總兵再帶兵一千五百一十五名共足二千六百三十一名之數其遊守等官俱帶往照舊管轄平陽所存兵一千四百八十名即將處州副將移駐原官俱帶

往照舊管轄等因奉

旨依議欽遵在案今該督既稱平陽鎮兵丁定額二千九百九十五名今改處鎮止有兵二千六百三十一名尚缺額兵三百六十四名處州城守兵丁原額一千一百一十六名今調平陽副將現有兵一千四百八十名是重地設立總兵兵又減於原額緩地改設副將兵復溢於曩時大非改協設鎮之初心今將蒲壯鎮下原管兵丁二百九十五名撥

歸處州麗水碧湖守千把三員本標三營分撥兵
丁一百四十名共合兵四百三十五名設為麗水
專營分防碧湖要汛兵得實用營制得定等語應
如該督所請可也奉

旨依議

雍正八年八月初十日奉

旨處州鎮標兵丁著賞銀九千兩令該鎮會同該督撫
提督料理營運以備賞給之用歲底將一年生息及

用過若干報明該督撫提督查核該部知道

衢州鎮標

鎮守衢州總兵官一員駐劄衢州府標下中左右三
營管轄衢州城守營嚴協城守營浙閩楓嶺營金
協蘭谿汛

中營遊擊一員守備一員千總二員把總四員
左營遊擊一員守備一員千總二員把總四員
右營遊擊一員守備一員千總二員把總四員

順治三年設總兵官五年裁改設副將一員中左右三營各都司僉書一員守備一員千總二員把總四員雍正六年五月為敬陳查復浙洋等事將衛協右營都司一員把總一員撥入溫州磐石營

十三年仍改

為衛州鎮

外委千總四員外委把總十員

額設馬步戰守兵丁共二千三百名

衛協原額兵二千六百名

康熙三十五年六月為欽奉
上諭事裁戰守兵共二百四十名又四十七年九月為

稟報事撥衛協馬兵一十二名戰兵二十四名守兵八十四名歸入紹協右營分防大嵐山等處又雍正五年十一月為詳請設備添兵等事抽撥戰兵二十七名守兵六十三名歸入太湖營六年五

月為敬陳查復浙洋等事抽調戰兵四名守兵八十九名歸入磐石營七年九月為遵

旨議

覆事將三營京撥戰兵五名守兵十二名開除撥歸杭嘉湖三協名募實存兵二十四名十三年

改協為鎮增兵三百名歸城守都司仍隸鎮標管轄

衢州鎮標下駐劄衢州府城中營遊擊一員都司一

員右營守備一員都司守備一員千把一十二員

外委千把一十二員兵共九百六十六名

分防龍游縣城中營守備一員千把一員兵一百

八十名

外委一員帶兵二十名駐龍游驛前

分防龍游溪口汛中營千把一員兵五十五名

分防樟樹潭汛

兼管張碓港
川安仁埠等撥

千把一員兵三十

五名

又帶外委一員兵二十一
名分駐排門安仁街洋村後方等撥

分防大洲汛

兼管黃壇坑
口前五等撥

外委千把一員兵三十

四名

分防常山縣城左營遊擊一員千把一員兵一百

八十名

分防華埠汛左營守備一員千把一員兵一百一

十名

分防七都球汛左營千把一員兵四十八名

分防草萍汛左營千把一員兵三十八名

分防開化縣城左營千把一員兵九十名

又帶外委一員

兵二十名分駐馬金汛

分防江山縣城

兼防公埠汛

右營遊擊一員千把一員

外委一員兵二百四十名

分防鳳林汛右營千把一員兵四十五名

又帶外委一員

兵一十名分
防官溪撥

分防杜澤汛右營千把一員兵八十名
又帶外委一員兵十

八名分防上
方雲溪二撥

分防西安溪口汛
兼管十五里項家橋百靈街百靈埠後溪街蔓青九都嶺嚴剝

關等撥右營千把一員兵七十五名

分防蘭溪汛
兼管湯溪沿河伍家塘葉灣洋港三塘中營千把一員

外委一員兵九十二名
本汛原屬金協右營千總一員兵一百二十七名防

守雍正十三年改隸衢鎮撥兵九十二名餘三十
五名仍歸金協本汛將城守都司下千把酌撥一

員歸於中營帶兵九十二名駐守就
近歸駐劄龍游之中營守備兼轄

雍正十二年十二月兵部為請

旨事議覆協理內閣大學士事務工部尚書徐本浙江
總督管巡撫事程元章疏稱衢州一府為福建江
南江西三省門戶順治三年設立總兵一員嗣將
浙閩總督移駐衢州復改駐福建而衢州祇存副
將一員但衢州汛地遼濶副將僅轄都司二員守
備三員千總五員把總十一員馬步兵二千四十

名殊有鞭長莫及之勢臣等細察形勢悉心斟酌
請將衢協副將一缺改為總兵官以資彈壓查總
兵營制例設遊擊三員守備三員衢協原有都司
二員將一員改為中營遊擊一員改為城守都司
請添左右兩營遊擊各一員其原設守備三員一
員改為中營守備一員改為都司中軍守備一員
改為右營中軍守備再添左營中軍守備一員城
守都司即令衢鎮就近管轄查守備標下各有千

總二員把總四員今議設守備四員應有千總八員把總十六員除原設千總五員把總十一員尚少千總三員於平陽營嚴州金華二協各裁一員補入再少把總五員另行添設原設兵既屬不敷應於通省簡僻營內抽撥補足又嚴州一協楓嶺一營向屬提轄金華協之蘭谿汛向屬處鎮兼管查其道里離衢甚近請就近歸衢鎮管轄一轉移間聯絡聲援大有裨益等語應如所請副將仍改

為總兵添設左右兩營遊擊再添左營中軍守備
把總五員其兵於通省簡僻營內抽撥至提屬之
嚴協楓嶺營并處鎮屬之蘭谿汛均應歸衢鎮管
轄可也奉

旨依議

海防兵備道營

海防左右兩營額設守備二員千總四員把總八員

雍正八年為恭報勘明海塘等事題設千把總二
員十一年為備陳塘工等事題准添設守備二員

千總三員把總七員分為左右兩營左營駐劉海寧之東右營駐劉海寧之西屬海防兵備道統轄海防同知兼轄詳見海塘門內

外委千總八員外委把總八員

有馬戰兵六十名無馬戰兵一百六十名守兵七

百八十名

雍正八年為恭報勅明海塘等事題照河營兵丁之例設兵二百名常川做工

看守內馬戰兵六名步戰兵十四名守兵一百八十名十一年為備陳塘工等事題准添設八百名共一千名

防守鎮海汛

自海寧縣南門外東起至念里亭止并兼防一帶堡房

守備一

員把總一員有馬戰兵一十名無馬戰兵二十名

守兵九十二名

防守念里亭

自念里亭起至父家廟止兼防一帶堡房

千總一員有馬

戰兵六名無馬戰兵一十四名守兵七十名

防守尖山汛

自父家廟起至談山嶺止兼防一帶堡房

把總一員有馬

戰兵五名無馬戰兵一十四名守兵七十名

防守海鹽澈浦汛

自談山嶺起至二寨止兼防一帶堡房

把總一員

有馬戰兵三名無馬戰兵一十名守兵四十八名

防守二寨

自二寨起至平湖縣行素菴止兼防一帶堡房

千總一員有馬

戰兵三名無馬戰兵一十二名守兵六十六名

防守行素菴

自行素菴起至江南金山縣交界止兼防一帶堡房

把總一員

有馬戰兵三名無馬戰兵一十名守兵四十四名

防守翁家埠

自華家街起至西湖神廟止兼防一帶堡房

守備一員把

總一員有馬戰兵八名無馬戰兵二十名守兵一

百名

防守靖海汛

自海寧縣南門外西起至戴家石橋止兼防一帶堡房

把總一

員有馬戰兵四名無馬戰兵一十一名守兵五十

六名

防守老鹽倉

自戴家石橋起至關帝廟止兼防一帶堡房

千總一員有

馬戰兵五名無馬戰兵一十四名守兵七十名

防守關帝廟

自關帝廟起至華家街止

把總一員有馬戰兵四

名無馬戰兵一十三名守兵六十二名

防守章家巷汛

自湖神廟起至宣家埠止

千總一員有馬戰兵


六名無馬戰兵一十三名守兵六十三名

防守宣家埠

自宣家埠起至八仙石止

把總一員有馬戰兵三

名無馬戰兵九名守兵三十九名



浙江通志卷九十一